

欽定大清會典事例

欽定大清會典事例卷六百五十一

兵部

馬政馬幫二

嘉慶八年

諭。署西安將軍祥保等奏西安駐防兵丁向無獎賞之項。請飭藩司在於庫貯馬價銀內支動四萬兩。交與鋪戶按月六釐生息。以為獎賞之用等語。該處駐防兵丁責成該將軍副都統等隨時訓練。如果技藝精嫻。自應加之鼓勵。既據祥保等奏稱該處並無獎賞之項。著照所請。在於西安藩庫所貯馬價項下支動。

銀四萬兩。發交殷實鋪戶。按月生息。以備賞需。該將軍副都統等。即會同西安藩司。轉飭地方官妥協經理。仍將每年用過銀兩若干。於年終造冊咨報戶兵二部。以備查覈。○十年

諭

現在巡捕營請將差馬撥出二千匹。交與張家口牧放。計每月可省馬乾五千兩。於八旗滿洲蒙古閒散內。每旗滿洲額增養育兵二百分。蒙古額增養育兵五十分。八旗共增養育兵二千分。每月給銀一兩五錢。每月統計用銀三千兩。照漢軍養育兵之例。毋庸給予米石。所奏俱屬可行。惟是此項人等。挑充養育

兵丁亦應分以等次。如閒散子弟先挑入無米養育兵。再由無米挑入有米養育兵。再由有米養育兵挑入馬甲。如此分別方足示以限制。至所省馬乾銀兩除增養育兵二千分外。尚餘銀二千兩。仍於滿洲蒙古閒散內酌再添設養育兵以資生計。○又

諭

本年大凌河馬羣被災馬一千三百四十五匹。現在懸額前已令該官丁等如數賠補。而此次齊羣餘出馬匹及臺站調取交回馬匹共應變價馬二千一百餘匹。此項餘馬既須變價而應賠之馬又須購買。徒多周折。著照常貴所請將驕馬羣應行變價馬匹內

劃出一千三百四十五匹。補足定額。所有此項馬價銀一萬三千四百五十兩。除將福疆阿及翼領穆特布所停二年俸銀歸款數算外。其餘不敷之項。著於該副牧長牧副牧丁等應得錢糧內。坐扣歸款。該副牧長等。均係窮苦官丁。若照常貴所請。分作二年生扣。未免生計維艱。著加恩分作三年扣完。以示體恤。

○又奏准。察哈爾收回圍差馬匹。於交收馬匹時。令察哈爾章京。將疲瘦馬匹數目。申報監收之王大臣。逐一秉公查驗。即於具奏收馬完竣摺內。聲明確數。知照察哈爾都統。奏明變價。所

變價銀解交廣儲司備用。其變價馬數准其於牧廠孳生馬匹數內抵補。○又奏直隸通省營馬九千一百二十餘匹。撥出馬一千四百匹。每年節省馬乾銀兩。作為兵丁差費之需奉

諭。表行簡等覆奏會籌兵丁差費一摺。據稱各營出派

弁兵供辦站道清道緝捕等差。覈計共需銀一萬二三千兩。藩庫既無閒款可撥。營中亦無公項可以充用。請節省每年馬乾銀兩。為兵丁差費之需。即可毋庸另行籌款等語。各營兵丁應得分例。僅能贍顧身家。每遇出派辦差。勢須另給盤費。前此該督等以攤

捐俸餉幫貼差費具奏。當經降旨令與該提督妥議熟商。通盤籌畫。茲該督等既查明各營倒斃疲乏及口老羸弱之馬。有一千四百餘匹。均須更換買補。即將此項馬匹。凡倒斃者毋庸買補。疲乏者照例變價。此外尚有七千餘匹。足敷差操。計每年可節省草乾銀一萬六千餘兩。著照所請。准將此項銀兩存貯藩庫。以資每年差費。其扣出馬價銀一萬二千六百兩。著發交長蘆商人生息。以備有緊要差務時。為購買馬匹之用。此後辦差各兵。既定有章程。足敷盤費。而各營員更無可藉口。儻再有不肖劣員。從中剋扣。自

肥囊橐。苦累營兵。該督卽當嚴叅懲辦。計贓定罪。不得稍為寬貸也。其此項內按年應支應存之數。仍著咨部查覈。○十二年

諭。薛大烈奏馬兵不能自行餵養。以致賠累。請令官弁棚槽餵養。是否可行。著德楞泰全保方維甸詳悉妥商。奏聞辦理。欽此。遵

旨議准。嗣後陝甘二省將軍督撫提鎮各標協路營馬匹。均令棚槽官為餵養。於兵丁馬匹。均有裨益。○十三年

諭。據德楞泰等奏西安滿營。請添設無米養育兵一摺。

著照德楞泰所奏。所有挑出每日操演打過堂之幼丁一百二十八名。著施恩由彼處馬價生息銀兩。及舊有之獎賞銀兩。內每月各賞銀一兩。永遠作為無米養育兵額。○十五年

諭

勒保奏籌議西安軍撫二標收槽馬匹一摺。據稱西安軍撫二標馬匹。並無冬廠可放。每至冬春俱係全數收槽餵養。不得不於夏秋之間。多為放廠。將節省料豆乾銀。以為貼補雜項之用。難免藉詞節省。任意多為放廠。致滋流弊。請酌中定議等語。著照所請。該二標收槽馬匹。每年以二成為率。若遇草貴草賤之

時該將軍巡撫隨時斟酌辦理。其節省銀兩除貼補正用外。於歲終全數賞給兵丁。其餘營中雜費概不准於節省馬乾銀兩內挪用。仍將存用數目冊報總督等認真察覈。不使稍有挪移侵虧之弊。庶於營務馬政均有裨益。○十六年奉

旨。福州駐防額馬五百六十匹。既據該將軍奏地土蒸溼。馬匹易於受病。若合棚餵養。恐致傳染。今酌留馬匹四百匹。足敷操演。分給兵丁拴餵。亦可專心照料。係為調劑馬政起見。著照所請辦理。至旗兵生齒日繁。度日不免拮据。今既裁減馬乾。以之添設養育兵。

俾資養贍亦於八旗生計有益著加恩亦照所請添設養育兵一百六十名每旗各添二十名作為定額即以此項酌減馬乾抵充月餉所有減馬事宜即著該將軍妥議具奏欽此遵

旨議准於口外買到新馬三百四十匹內挑選新馬二百十匹並挑存堪騎陳馬一百九十匹共合壯健馬四百匹其多餘新馬一百三十匹按照閩省例價每匹銀二十二兩共變價銀二千八百六十兩歸還庫項所挑壯健馬匹分為八樣印烙散給八旗甲兵領拴每旗分馬五十匹仍一

月一查。如馬無瘡病。臆分漸增。量加獎勵。如有
情急。另於馬甲內挑選領餵。至挑贖餘馬。變價
銀兩。並通年餵養棚馬支領用度。裁曠銀兩。陸
續沙汰殘傷馬匹。變價節省草料銀兩。統歸年
終確覈細數。造冊報部。奏銷。所有銀兩。解交藩
庫充餉。○又

諭。那彥成等奏。酌定挑變牧廠孳生馬匹價值一摺。古
城濟木薩二廠馬匹。前經長齡等奏請挑除變價。屢
經部駁。迄今又閱三年。遷延日久。馬匹益形疲損。今
那彥成等委員查驗。酌中定價。著照所請。准其將挑

出之三等馬。每匹定價銀五兩。交地方官承變。四等馬。每匹定價銀四兩。交營廠酌量賠補。分別交貯道庫。報撥充餉。嗣後於兩次均齊考成後。挑變一次。均著照此辦理。○十九年

諭。那彥成奏。酌動節省馬乾銀兩。交商生息。以為添派隨扈兵丁盤費一摺。直隸各營兵丁。遇朕祇謁

兩陵及巡幸木蘭。派出承應差使。所需盤費。向於節省馬乾銀兩支給。所有本年議添兵丁。應支盤費。除已於馬乾銀兩動用外。著照所請。即在藩庫餘賸節省馬乾銀內。提出銀二萬兩。發交保定天津兩府鹽當

各商以一分生息。遇閏加增。解交直隸藩庫。以為每年添派兵丁盤費之用。其阿哥致祭。

陵寢暨前往熱河派出當差兵丁所需盤費。並著一體支給。○二十四年

諭。祿成等奏懇加添存城馬匹一摺。綏遠城駐防兵丁拴養馬匹。每年出青時存城二百匹。以備差操。現因派撥官兵赴大青山後設卡巡緝。存城馬匹不敷應用。著照所請。准其加添存城馬一百匹。所需馬乾銀兩。由山西藩庫覈明撥給。○道光元年

諭。成格奏請仍裁駐防馬匹。添設養育兵丁。以資調劑。

一摺。太原城守尉駐防額設馬二百五十匹。前據成格奏請裁馬一百匹。將節省草豆銀兩。加給裁存馬。乾仍添設養育兵丁。並補孤寡養贍。經部議駁。茲據成格覆奏。太原駐防官兵。戶口日滋。生計維艱。官給草豆。不敷拴養馬匹之用。又無出青牧廠。若酌為裁減。以資調劑。不特馬歸實用。於滿營生計。差操。均有裨益。所奏係屬實在情形。著照所請。太原駐防額設官馬。准其裁汰一百匹。其每年節省草折豆石。即照該撫前議津貼裁存之馬。所餘銀兩。添挑養育兵四十名。按月支餉。仍有餘贍。添給該營孤寡養贍。以裕

生計。○又

諭前據慶祥奏調劑伊犁事宜一摺。當交軍機大臣會同該部議奏。茲據按款查明覆奏。至鎮標等營額設騎操馬一千五百餘匹。嗣後著改為春冬收槽馬六百匹。夏秋收槽馬四百匹。其餘概行放廠。所有節省銀兩草豆。著該將軍酌定章程。充公津貼。毋得仍前通融。致滋弊混。伊犁河歲修所借馬價銀一萬兩。准其俟三五年後。察看情形。再行奏明歸款。○二年

諭前據楊芳奏查明試養廠馬過冬。並無疲斃情形。擬於每年霜降後。撥馬三成。在廠過冬。節省乾銀貼餵。

在槽馬匹。兵部議駁甚是。但該提督所奏。係因時制宜。為調劑營馬起見。著仍准其以三成馬匹在廠過冬。此外各營。不得援以為例。○四年

諭。穆彰阿等奏。均查大凌河馬羣一摺。盛京大凌河額設驢騾馬羣一萬三千六百匹。向例每屆三年。由上駟院均查一次。如孳生數目較多。除留原額馬匹外。將餘馬交盛京各屬州縣。分別變價。茲自嘉慶二十五年。至道光三年。屆應查驗。經穆彰阿等均齊羣牧。該處現在多餘馬四千四百餘匹。著毋庸照例變價。俟高喀爾到彼。均齊羣牧後。即將此項馬匹。加恩分

賞盛京吉林黑龍江等處兵丁。交將軍晉昌確加查點。遵即行知。該二處將軍派委妥員。均勻領取。五年議定。每次圍差完竣。覈銷駝乾銀兩。由直隸總督飭令各州縣。按照變價日期。起限六箇月內。造報覈銷。八年

諭

松筠奏每年出青應留差馬不敷。請再酌留一摺。熱河圍馬。向於每年出青時。留馬八十匹。備差騎用。茲據該署都統體察該處近日差務較繁。尚須酌留備用。並籌及馬乾經費。著照所請。每年於出青馬內。再添留差馬四十匹。自四月十五日起。至八月十四日

止。共應需馬乾銀三百二十兩。遇閏應加銀八十兩。准其於該衙門右司庫貯生息公用二項存款內撥銀五千兩。交熱河道發商。按月一分生息。遇閏加增。每年所得息銀。除應支馬乾外。餘贖銀兩。按年分給十圍。俾資棚槽器具等項之用。即自本年四月十五日為始。遵照辦理。其未得息銀以前。先於庫貯生息項下。如數動支。彙冊報銷。又

諭。齊慎奏請撤回廠馬過冬。以重馬政等語。所奏是直隸古北口中左右三營騎操馬匹。向於立夏後。以一半牧廠出青。節省乾銀。貼餵存槽一半馬匹。至霜降

後全馬歸槽。前經楊芳奏准三成歸廠。過冬節省乾銀貼餵在槽七成馬匹。茲據齊慎查明馬匹在廠過冬。從前未見起廩。近年以來冬寒雪大。多致瘦斃。且過冬在廠買草及牧馬弁兵口食。諸多糜費。節省所贖無幾。不能貼餵在槽之馬。自應量為變通。所有該處馬匹。著即停止在廠過冬。全數歸槽。如例支乾銀。不敷餵養。著照所議。於領到銀兩時。差派妥幹弁目。以現銀購買。乘草豆價賤之時採辦。不致昂貴。兼之夏秋照舊一半牧青。計所省乾銀足敷貼餵。俾春冬全馬在槽。可期操練得力。○九年

諭。成格等奏額魯特呈交牧廠。請酌給該總管等馬乾銀兩一摺。熱河額魯特官兵自移駐伊犁以後。該處人丁稀少。遞年節省銀兩已多。各官員等徒步當差。並無騎馬業將牧廠呈交。自應量為調劑。著照所請。准其照熱河駐防旗員本身拴養官馬每月每匹支給乾銀二兩之例。總管一員。拴馬四匹。副總管參領各一員。各馬三匹。佐領二員。各馬二匹。驍騎校並六品頂戴養鷹頭目共三員。各馬一匹。按照馬數。每月支放乾銀以資當差。所有此項銀兩。除每年夏季照例出青。分別扣給外。統計每年需銀二百七十二兩。

由戶部照數給領。按月支放。○又

諭楊遇春奏請將羸老馬匹變價充公。並裁撤牧兵一摺。甘肅西甯鎮馬匹孳生繁息。而馬廠窄狹。不敷牧放。以致擁擠。日形疲瘦。所產馬駒。不堪經牧。茲據該督查照成案。估計變價。著照所請。所有西甯鎮廠存口老馬四千數百匹。病廢碎小兒馬一千數百匹。即委道府大員赴廠詳驗。除將臆壯者留廠。並撥補各營缺額外。其餘殘廢不堪孳生之馬。以及碎小兒馬。一併交地方官變價。分別等第。造冊送部。並將馬價銀兩解交藩庫報撥。○又

諭德英阿等奏請酌添北路軍臺牛馬一摺。阿克蘇所

屬札木至噶克察哈爾海軍臺七處。因附近冰嶺。半
皆沙磧。水草缺乏。額設牛馬。不敷運載。向調回子馬
匹。通融辦理。現當查禁各城藉差擾累。體恤回衆。自
應另籌調劑。著照所請。於額設牛馬外。札木臺添牛
五隻。阿爾巴特臺添牛十隻。亮噶爾臺添牛十隻。圖
巴喇特臺添馬十二匹。瑚斯圖托海臺添馬十四匹。塔
木哈塔什臺添馬八匹。噶克察哈爾海臺添牛十隻。
此項所添牛馬。准其由伊犁官廠內照數撥給。按年
報銷分數。所需馬料。除札木阿爾巴特亮噶爾噶克

察哈爾海等四臺。尚有水草。可資牧放。原設牛馬及新添牛隻。仍照舊章。夏秋毋須給料外。其圖巴喇特。瑚斯圖托海塔木哈塔什等三臺。原設及新添馬匹。均准四季全支料石。仍照向例。每馬日支料二京升。每牛日支料一京升。俱由阿克蘇糧餉局按月支領。歸於倉儲項下報銷。該將軍等仍當不時稽查。毋任稍有偷減剋扣。如查有情弊。及餵養不善。以致疲瘦之處。即行嚴參懲辦。○十年

諭。王麟等奏伊犁歲收哈薩克租馬。及各部呈遞伯勒克馬匹。向交察哈爾額魯特兩營。入於備差廠牧放。

其倒斃分數例與孳生備差之馬按年一律以六釐報銷。近年以來各夷呈納之馬多係殘廢入廠後易於倒斃。該官兵等格於成例不能溢額報銷賠償官馬情形日增竭蹶。自應量加調劑。著照所請。嗣後此項馬匹收交該兩營另廠牧放。續有倒斃准其每年每百匹內報銷三分。自道光九年為始。另冊造報。照新定章程覈銷。以示體恤。其孳生廠出羣備差之馬仍照舊例。按年以六釐報銷。毋得牽混。○十一年

諭

諭。詢爾經額奏買補營馬銀兩。懇准開銷一摺。山東省道光五年分買補馬匹。係在本省購買。與兵部改定

條例飭令赴口購買章程不符。駁令追繳銀兩。不准開銷。茲據該撫查明。道光六年業經奏准。仍在本省買補馬價。照例開銷。惟是年買補馬匹。在兵部改例以後。該督未經奏准以前。責令繳價。未免向隅。此項銀兩。飭追多年。該兵丁實係無力完繳。尚無虛糜情弊。著照所請。加恩將道光五年分買馬價銀六千五百三十兩。准照成案。報部覈銷。免其追繳。以恤營伍。

○十五年

諭奕經奏請賞借閒款。添設操演馬匹一摺。盛京八旗兵丁操演。攸關緊要。所需馬匹。若動項購買。需用實

屬浩繁。自應籌款辦理。著照所請。准其在於庫貯閒款制錢三十七萬七千餘串內。賞借制錢三十萬串。分交各城殷實當商。每年按一分生息。計得利錢三萬六千串。先儘內城六十六佐領。每佐領下添設馬十匹。共計六百六十四匹。分交各旗兵丁。妥為拴養。每馬一匹。月支馬乾制錢三串。即先儘半年馬乾。作為馬價。統限半年。置買齊全歸槽。支乾餵養。如有倒斃。亦照此例買補。至每年所得利息。除支馬乾外。餘錢一萬二千二百四十串。暫緩歸款。仍作本生息。每年計得利息制錢一千四百餘串。每年添馬四十四匹。仍

照內城之例陸續分撥各外城以備兵丁演習之用。仍俟五六年後察看情形再行奏明分別歸款。至此項動借三十萬串外各城仍現存七萬餘串再遞加以每年搭放所餘數年後著該將軍通盤合計。如果敷用應否酌添兵丁差馬再行奏明辦理。○十六年

諭

哈豐阿等奏請借款添設旗兵馬匹一摺黑龍江兵丁向未設立馬匹茲據該將軍等查明黑龍江分駐八旗遇有調遣皆以馬隊取勝請借銀設立馬匹著照所請准其在於本年扣還積欠糧銀內動支銀一萬六千兩分撥齊齊哈爾黑龍江墨爾根呼蘭布特

哈五處。查明無馬兵丁。每名借給銀八兩。自行置備馬匹。官驗烙印。責令各旗佐領實力稽查。此項借銀。齊齊哈爾等四處。分限四年。布特哈分限八年。按季扣還。以清款項。仍著每年造冊咨部查覈。○十八年諭。賽尚阿等奏馬羣虧短。援案酌籌辦理一摺。太僕寺右翼馬羣被災。倒斃一千八百九十一匹。據該都統查明。請照例按款籌買。以符原額。著照所請。准其在口北道庫貯閒款項下。撥借銀一萬四千兩。每匹照例作價五兩五錢。即著賽尚阿等派委妥員。協同該總管等。如數採買臆壯馬匹。分補被災各羣。以資牧

放其餘三千五百九十餘兩。著賞給被災窮苦蒙古。俾資生計。所借銀兩。自應於虧短馬匹之正黃鑲紅二旗官兵俸餉內。坐扣歸款。惟該翼本有前借口北道庫貯。並戶部坐扣馬價銀兩。分限接扣。若將此次借餉銀兩。與前項並扣。各蒙古生計。未免拮据。著俟部扣馬價完竣後。再將此次所借銀兩。與前借口北道庫貯銀兩。自道光二十四年起。統予限十四年。每年扣還銀二千二百八十五兩零。以清款項。所有倒斃馬匹。即賞給被災蒙古變價。以示體恤。○二十一

年

諭。阿精阿等奏請裁減馬匹。添設無米礮手兵一摺。廣州省城額設礮位。向止有漢軍礮手二十四名。現在不敷遣用。著准其添設無米礮手四百名。即在滿漢餘兵及無米養育兵閒散人等內。均勻挑補。所需月餉。准其將該旗額設馬匹。照議裁減四百六十匹。以資支放。○二十三年

諭載銓等奏籌畫經費一摺。並片奏各項章程。俱著照所議辦理。惟馬銀一項。每年除出青減放外。約需馬乾銀四十四萬餘兩。該王大臣等請暫減一半充補兵餉。著八旗都統各營及領馬乾餉銀各衙門。詳查

妥議具奏。○又奏准察哈爾牧放出青馬匹兵丁。向由庫儲生息銀內。每兵每年給賠補例外倒斃馬價銀七兩。令常川牧放春秋並不領交。此項馬價一千五百四十兩。應行裁汰。○又

諭據戶兵二部會議外省馬乾章程。請令江蘇安徽江西浙江福建湖北湖南廣東廣西等九省。各按各省於現需數目。遵減半章程。暫行裁減一半。將馬乾銀存貯藩庫。按季造報聽撥。仍請飭下各督撫將軍都統各就所管綠營旗營。分別形勢險易酌量留裁。將減半數目。均勻分配。又據許乃普奏。歷次裁減馬匹。

乾銀仍行支領。南省地不產馬。去口較遠。一遇短絀。猝難買補。民戶無可通融。營弁有所藉口。請飭將軍督撫提鎮體察情形。詳議具奏。各等語。著江蘇安徽江西浙江福建湖北湖南廣東廣西各督撫會同將軍副都統提鎮各就地方情形。悉心籌議。據實具奏。可減則減。可留則留。不必拘定減半數目。務須實力撙節。而於操防亦無貽誤。是為至要。○咸豐四年。

諭。賡福奏陝甘省綠營每年應補馬匹。向由伊犁等處調取轉運。請變通辦理一摺。陝甘每年應補缺馬一千五六百匹。向由該督移咨伊犁塔爾巴哈台調取。

運至烏魯木齊轉運至巴里坤牧放再運至肅州赤金湖地方由口內各營派撥弁兵分領據稱道里相距五十餘站之遙帶牧帶解耽延幾至一年中途經歷多係沙漠戈壁及運至赤金湖倒斃損傷者不少領馬官弁恐干賠補往往就地變價帶回買補輾轉解送徒費鹽糧兵力而所缺馬匹仍係變價買補該都統擬將此項馬匹即由伊犁塔爾巴哈台隨地出變令各營領價自行買補自係為節省運費起見但口外如何變價口內如何買補亟應酌立章程毋滋流弊方為妥善著奕山易棠迅就該都統所奏體察

情形妥議具奏。○八年

諭。恆福奏籌款津貼公費一摺。山西太原駐防滿洲營。並撫標左右。暨太原三營兵丁。挑選馬匹。練習馬上。排槍所挑馬匹。自應加添餵養。以期得力。著照所請。准其由餘贖息銀項下。籌動銀一千兩。發交各該營。作為津貼毋庸扣減三成。以裨實用。仍令按年將用過銀數。分析造冊。由司覈轉咨部報銷。以昭覈實。○

十年奏准調到察哈爾馬一千匹分交

圓明園馬一百匹。健銳營馬二百五十匹。內火器

營馬一百匹。外火器營馬二百匹。兩翼八旗馬

二百五十五匹。巡捕營馬一百匹。交各該旗營兵丁。妥為拴養。操演技藝。所需口分。每馬日給京錢一千文。立夏減半。均由各旗營覈明。自向戶部關領。○同治四年

諭。山海關當東三省之衝。地方最關緊要。該處旗營官兵。自應熟習騎射。講求技勇。以備巡緝盜賊之用。茲據長善奏稱。山海關五處駐防。向未設立官馬。其旗兵朋養之馬。又因無力籌備。有名無實。該副都統擬籌款添設官拴馬四百匹。教練技勇。自為因時制宜。起見。本日業經諭令神機營理藩院。將蒙古捐輸馬

匹如數籌撥備用。長善所請借用山海關贏餘稅銀作為馬價。除製辦鞵轡之八百兩。准其提用外。其餘馬價銀三千二百兩。業已撥有官馬。即著毋庸動用。長善現已補授山海關副都統。於旗營操防事宜。責無旁貸。俟此項馬匹到後。即著督飭所屬認真訓練。以期技藝嫻熟。緩急可恃。毋得徒託空言。日久稍形懈弛。所稱馬乾銀兩。每年約需九千六百兩。擬於臨榆釐捐項下支放。並贏餘銀兩。發商生息各節。均著照所請辦理。○又議准吉林添設官馬。援照烏喇金珠鄂佛囉等站驛馬。每年報倒定例。酌量從減。

每歲准其報倒十分之一。仍責令隨時買補足額。以重邊防而紓兵力。至買補馬匹價銀。應援照該省前次添馬一千匹。每匹價銀八兩。其倒斃馬匹皮臟變價。每匹銀五錢。比照該省驛馬辦理。○十三年

諭山海關各口駐防馬匹。向由各兵朋養備操。前此添設官馬四百匹。現在疲乏倒斃。既與原數不符。且有滋擾閭閻情事。亟應力為整頓。該處增設官馬者。即裁減一半。以備調遣。其歲給馬乾銀兩。即由海關道庫作正支銷。並著嚴定章程。隨時查覈。不准復有侵

扣作踐等弊。臨榆縣設局抽釐。接濟軍需。原係一時
權宜之計。隨後添設官馬。即以釐金提備馬乾。現在
馬匹既經裁減。馬乾已由道庫作正支銷。所有山海
關增設臨榆縣釐局。著即行停止。並著直隸總督飭
令該處道府會同山海關副都統妥覈辦理。並將停
止釐局緣由出示曉諭。○又議准。大凌河牧羣嗣後
收齊節省草銀。仍由副都統衙門派員在於錦
甯廣義四州縣持票採買內地口輕騙馬補羣。
隨時驗收。牧放如一年內不能買齊。將銀歸併
下屆採買。每匹准支價銀九兩。○又議准。奉省

添設捕盜弁兵馬匹。每匹給價八兩購買。○光緒二年議准。吉林添補馬匹。援照科布多等處成案。每匹准銷實銀八兩。毋庸再行減成折扣。以示體恤。每年每百匹。仍准其報倒十分之一。如遇買補。每匹扣皮臟銀五錢。○又議准。嗣後黑龍江續行採買。及買補倒斃馬匹。每匹照正價八兩開支。毋庸減成折扣。

欽定大清會典事例卷六百五十二

兵部

馬政

市馬

貢馬

一

市馬○原定陝西省設洮岷河州西甯莊浪甘
州五茶馬司及開城安定廣甯黑水清平萬安
武安七監歲遣御史一員專理○順治七年

諭自今喀爾喀額魯特來市馬凡章京以下披甲人以
上願往市者每次准買一匹多買者馬入官問以罪
己身不買以他人頂替己名買者俱論罪馬入官每
旗選章京二員監察買賣即將買馬人造冊一本送

戶部照驗一本自收備查賣馬處執冊呼名放入不許強占違者章京罰銀兵丁鞭責販子買賣人及不係披甲者概不許買如犯此禁鞭一百馬入官居庸關以內官吏軍民等不得沿途迎買著官役按索被獲者以賊律罪所差官役有私買及通同縱買之人亦按賊律罪○十一年題准各省將軍總督提督總兵官買馬開明馬數印文送部德州等城並山海關等處駐防人員買馬亦用各該管官文書送部准買○十六年覆准將軍督撫提鎮買營馬者將應買數目報部副將以下買營馬者呈

明該管之督撫提鎮報部。○康熙三年覆准各營副將以下缺馬呈請督撫提鎮印文報部。方准購買。不得自行呈請。○七年裁茶馬御史。歸併甘肅巡撫管理。○十年題准山西陝西四川湖廣河南五省各營馬匹額缺開數報部。移行甘肅巡撫。招中撥給。仍將補過馬匹毛齒領騎兵丁姓名造冊報部查覈。其驛馬倒斃除陝西各驛原額茶馬抵補外。山西四川湖廣河南驛遞領馬路遠。俱令就近買補。○十一年題准甘肅巡撫於每年終將招中茶馬並盤獲私馬給

發山西四川湖廣河南四省營馬陝西省營驛馬數造冊報戶兵二部查覈○又題准駐防官來京買馬回省者該都統開寫馬數印文咨部給予照驗○又題准駐防官不呈明該將軍報部私差家人來京買馬者罰俸一年○又題准將軍督撫提鎮標下各官請買例馬者不得過四百匹○三十二年覆准買賣馬匹者止令買馬之人上稅地方官給價收納至於州縣買補驛馬兵丁買補營馬雖為公用其中恐有影射亦令照例收稅其收過稅銀歲終造入奏銷冊

內。報部查覈。○三十四年

諭。

馬之所係甚重。宜於四十九旗諸地購買。歸化城二千匹。科爾沁二千匹。其餘諸旗定額購買。爾等定議以聞。此買馬事。遣部郎中曾出關差者。副以八旗蒙古護軍參領侍衛各一人。會同該王台吉等。遵諭以行。○又題准直屬營驛馬匹。除仍舊照例往各口及京城購買者。聽其自便外。如有情願赴陝省購買者。該撫等一面報明兵部。一面移會陝西督撫。挂號購買。上稅納銀。並移會管理茶馬衙門。將所買馬匹。趕赴該衙門印烙。給予印票。沿途

照驗。仍將買過馬數移會直撫查明報部。○三十五年覆准直省購買營驛馬匹。除赴各口及京城者。由部印烙給票外。若赴鄰境省分就近購買。該督撫提鎮豫行移會赴買地方之督撫地方官。照例收稅。仍印烙給予照票。以憑沿途稽察。○三十七年覆准四川省營馬倒斃。停其牽領茶馬。准用朋扣銀買補。○又覆准四川省營馬倒斃。停其牽領茶馬。准動朋扣銀購買。令其實報開除。覈存截曠。仍將倒馬數目。按季報部。歲底造入奏報冊內查覈。○四十年覆

准四川省營馬倒斃。動朋扣銀購買。應照四川土司進貢例。每匹以十二兩購買補額。○四十四年覆准楚省營馬倒斃。亦動朋扣銀購買。每匹動支朋扣銀十五兩。○五十六年覆准陝甘二屬安塘營驛馬匹倒斃。向係牽領茶馬補給。今茶馬停止。應照時價給銀買補。○乾隆八年覆准嗣後陝甘二省督撫提鎮。凡有出省並往口外購買馬匹者。註明地方。豫報兵部。仍於年終彙報查覈。○十四年

諭。大學士等會同兵部議覆。新柱奏請購買川黔馬匹。

一摺。所議甚為妥協。辦理營伍事宜。凡有變通於常例之外者。必須實有裨益。且無窒礙難行之處。方可酌議更改。今楚省營馬。向來俱赴口購買。即浙江等省。亦皆買用口馬。而新柱乃欲購之川黔。不過輕信屬員一面之辭。輒思更張成例。於例轉多未便。○十

八年

諭。各省營驛。及駐防標營馬匹。向例俱令出口採買。送部印烙。蓋因口馬善於馳驟。於營伍為宜。但南省土地卑溼。天氣炎蒸。且飼餵草豆各殊。口馬性不相習。每致倒斃。即有存留。亦不能經久。是於口外馬匹有

損於內地營伍無益徒滋商販中飽上年湖廣請於本省及附近省分購買土馬業已准行嗣後直隸等北五省仍照舊例出口採買其江浙各省營驛需馬即著就近在本省及鄰省買補所有購買口馬之例著停止○十九年議准南省駐防及綠旗各標營每年應補馬匹仍令於鄰省採買土馬俟口外馬匹充裕價值平減之時再行赴口購買至驛站差務繁多馬匹關繫緊要應令儘力購買土馬如有不敷准其出口買補足額○二十二年

諭陝甘二省駐防及綠營買補馬匹俱令按月奏報原

以各營缺馬甚多。急需買補。必有所稽覈。庶可不致延玩也。今各處缺額之馬。業已將次買補足額。而買馬官弁。迫於限期。趨行迅速。轉恐於新購馬匹。致多勞乏。且行之日久。恐成虛套。此惟在該督等稽察得實耳。著傳諭黃廷桂。嗣後陝甘二省買補馬匹。停其按月奏報。其沿途應如何牧放行走。及買補多寡。應如何設法催查之處。令該督自行酌量辦理。○二十

三年

諭據勞三等奏稱。哈薩克哈巴木拜察。送布庫察罕之子。帶馬三百餘匹。到烏魯木齊貿易。其阿布賚等。俟

伊等回抵游牧。再行遣人前來。請將貿易馬匹。交與永貴納世通。以備調撥等語。此次所得騙馬。可傳諭努三等。與永貴商酌。或解送軍營。或令新派官兵乘騎前往。其兒騾馬。留於屯田處所。加意牧放。將來孳生蕃息。便好成羣。嗣後哈薩克貿易馬匹。即照此辦理。○二十五年

諭現在西陲大功告成。內地營馬。將來更無撥用之處。伊犁闢展一帶。現議駐兵屯田。所有善後事宜。皆資馬匹應用。是以經畫貿易。務令秣飼寬餘。多多益善。其各協營應補額馬。儘可徐議足額。不必急於彌補。

內地馬匹原為儲備調用。今諸事已定。新聞之疆。既不須內地接濟。與其坐槽充數。又不若留之口外。立廠孳生。以資就近撥用之有濟也。若一時急於購買。馬價既昂。兵丁必致賠累。何如於口外水草豐足處。所儘換獲之數。善為牧放。庶於官兵均有裨益。○又

諭

烏魯木齊市易哈薩克馬一百三十餘匹。現議暫於巴里坤牧放。俟秋季得馬既多。再遣侍衛前往分羣駐牧。此項馬匹若俟解到之日。始派員設立牧廠。未免遲誤。著傳諭永瑞等。就哈薩克貿易情形。計至秋季得馬若干。先行具奏。以便派員前往。○又

諭。五吉等奏將定長送馬一百三十餘匹交齊大勇牧放。俟秋季烏魯木齊送馬數多。再請旨設立牧廠等語。從前定長奏送此項馬匹時。經軍機大臣議以馬匹甚少。暫歸巴里坤舊有廠內牧養。俟秋季馬多。另議添設。今烏魯木齊既移駐大員。則秋季所得哈薩克馬匹亦不必送至巴里坤。即於本處酌量設廠。其已送巴里坤馬匹。即於臺站豫備應用。二十六年諭。據五吉等奏稱巴里坤牧放之馬。已揀選二千匹解送阿克蘇。至買補缺額。則現在價值頗昂。請於蒙古及商販等馬匹內酌量購辦等語。巴里坤馬價既昂。

而烏魯木齊伊犁所易哈薩克馬匹甚多。著傳諭五吉將巴里坤缺額馬匹。停其購買。仍各行安泰阿桂等。將來該處馬匹漸多。即送往巴里坤。再多則送至內地。以補驛站營伍之缺額。均為有益。○又

諭阿桂奏稱伊犁烏魯木齊貿易哈薩克馬匹漸多。准舒赫德咨取馬二千匹。與其從巴里坤解送。不如在伊犁所得馬匹內。除屯田足用外。挑選一千匹。送往阿克蘇。其餘從烏魯木齊辦送至伊犁。所換哈薩克騾馬。一二年間即成大羣。請將巴里坤等處馬匹。仍於本地牧放等語。阿桂籌辦馬匹。甚屬妥協。俱著照

所奏辦理仍加恩授為內大臣嗣後宜益加奮勉以副優眷○又

諭阿桂奏內地購辦牛驢較之哈薩克馬價一牛可值馬四匹一驢可值馬二匹現在伊犁烏魯木齊貿易馬匹既多且耕作原屬可用請將內地購辦牛驢之處停止等語從前伊犁經畫伊始故從內地辦送牲畜今貿易馬匹甚多自當酌量辦理著傳諭楊應琚永甯五吉等除現在購辦牲畜仍解送外嗣後陝甘哈密巴里坤等處不必購辦伊犁牲畜○二十七年奏准江甯駐防馬匹仍出口採買○二十九年

奏准杭州乍浦駐防馬匹仍出口採買。○又奏准湖北湖南各營令就近採買土馬外其各驛所需馬匹仍許出口購買。○三十年

諭據安泰奏稱官兵所缺馬匹官為定價向哈薩克買給於所領鹽菜銀內坐扣等語所奏尚屬可行此項馬匹若任官兵私與哈薩克貿易恐滋竊盜之事且私買價賤官購價昂亦為哈薩克所笑著傳諭阿桂等現在彼處官兵所缺馬匹即照安泰所奏辦理若有私相貿易者查明從重治罪。○三十二年奏准伊犁自乾隆二十五年起向哈薩克換獲馬匹每

年一千數百匹。至七八千匹不等。在楚呼楚地方牧放。馬數漸漸增多。伊犁烏魯木齊等處及各回城營臺屯地部落。每年用馬餘騰。俱解交內地。或春或秋。緩程解至烏魯木齊。轉解至巴里坤。擇水草牧放。或春或秋。再緩程解至內地。以補營驛缺額。○三十三年奏准福建省營馬。准赴口外採買。○三十四年。

諭。烏里雅蘇台現在馬匹缺額。著傳諭成衮札布咨行雅爾參贊大臣。令換取哈薩克馬匹。填補嗣後著為例。○三十五年奏准福州駐防馬匹。仍赴湖廣貴州。

廣西等省採買。○三十六年奏准福州駐防馬
赴口外採買。○四十年議准山西省營驛買馬。
報明巡撫自起印票赴歸化城一帶採買。即由
殺虎等口照例驗放。○四十二年奏准向來伊
犂所換哈薩克牲畜其堪用孳生者挑入官羣
孳生羣內其餘俱令各營官兵買取乾隆三十
六年土爾扈特投誠後應需接濟隨將此項餘
贖牲畜交本處察哈爾額魯特部落另羣牧放
備用現在伊犁養贍之土爾扈特已令往回游
牧此項另羣牲畜仍交給察哈爾額魯特等牧

放備用。應照特木爾牧廠所放牛馬定例。每年每百匹。准倒六匹。五十七年奏准伊犁塔爾巴哈台二處。換獲哈薩克之馬。不甚繁多。不敷甘省所需。調馬之數。請暫給一半。嗣後馬匹積多之時。仍足數給予。○道光二年

諭。據徐銀覆奏。改買馬匹章程一摺。西安滿營。歷年赴歸化城。購買馬匹。每致倒斃。缺額衆兵。扣銀過多。未免苦累。茲據查明。嘉慶年間。節次赴甯夏等處。買補之馬。經久尚耐。操乘該處。程途既近。水草亦便。自應隨時變通。辦理。著照所請。嗣後西安滿營。買補額馬。

改就甯夏府洮州岷州等處採買。務期臆壯足額。以裨戎政。○咸豐四年

諭。賡福奏陝甘省綠營每年應補馬匹。向由伊犁等處調取轉運。請變通辦理。一摺。陝甘每年應補缺馬一十五六百匹。向由該督移咨伊犁塔爾巴哈台調取轉運至巴里坤牧放。再運至肅州赤金湖地方。由口內各營派撥弁兵分領。據稱道里相距五十餘站之遙。帶牧帶放。耽延幾至一年。中途經歷。多係沙漠戈壁。及運至赤金湖。倒斃損傷者不少。領馬官弁恐干賠補。往往就地變價。帶回買補。該都統擬將此項馬

匹即由伊犁塔爾巴哈台隨地出變。令各營領價自行買補。自係為節省運費起見。但口外應如何變價。口內應如何買補。亟應酌立章程。無滋流弊。方為妥善。著奕山易棠迅就該都統所奏體察情形。妥議具奏。欽此。遵。

旨議奏伊犁應撥之馬每匹變銀三兩五錢。塔爾巴哈台應撥之馬每騙馬一匹變銀四兩。兒騾馬每匹變銀二兩。即將所變價銀扣抵應行估撥之款。○七年

諭山東省額缺營馬向係就近買補道光年間兵部纂

改則例。行令按年赴口購買。旋即奏明停止。所有該省營馬。仍著按照歷屆成案。就地買補。毋庸出口購買。

貢馬。○原定四川省各土司例貢。及折徵馬。松潘鎮標折徵馬十二匹。小河營折徵馬一匹。漳臘營例貢馬九匹。折徵馬七匹。平番營折徵馬二匹。龍安營折徵馬二匹。疊溪營折徵馬二匹。維州協標折徵馬三匹。茂州營折徵馬一匹。建昌鎮標例貢馬二十四匹。冕山營例貢馬二匹。會川營例貢馬六匹。越甯營例貢馬六匹。折徵

馬一匹。越舊營例貢馬六匹。會鹽營折徵馬三匹。永定營例貢馬四匹。靖遠營例貢馬三匹。瀘甯營例貢馬二匹。懷遠營例貢馬四匹。秦甯營折徵馬三匹。以補各本營額缺。○又定甘肅省三族。唐古特七族。西喇古兒例貢馬。甘州提標梨園營徵貢馬八十二匹。甘州城守營龍首堡徵貢馬二匹。南古城營徵貢馬十二匹。洪水營徵貢馬八匹。肅州鎮屬金塔協紅崖堡徵貢馬二十五匹。涼州城守營徵貢馬十匹。以補各本營額缺。○乾隆元年

諭四川各土司向有貢馬之例其所貢本色則添補各營倒斃之馬而折價之馬每匹納銀十二兩此舊例也查通省營馬近已改照驛馬例每匹給銀八兩而土司貢馬折價仍是十二兩之數蠻民未免多費朕心軫念著從乾隆二年為始土司交納馬價每匹裁減四兩止收銀八兩永著為例該督撫將朕此旨通行曉諭咸使聞知○三十年

諭據柏琨奏阿布勒比斯聞烏什竣差哈薩克沁德睦爾同齊里克齊之弟海林達爾前至喀什噶爾進獻馬匹前因哈薩克阿布差人進馬所帶餘馬在喀什

噶爾等處貿易。曾傳諭永貴。哈薩克等在烏魯木齊
貿易時。馬價極賤。若在回疆貿易。於烏魯木齊馬價
有礙。嗣後哈薩克帶馬至回地。嚴禁回衆私買。須官
為經理。較伊犁烏魯木齊多減價值。絲毫不令多得。
仍曉諭伊等赴伊犁烏魯木齊貿易。令阿布勒比斯
等差人進獻馬匹。若復在回地貿易。柏琨即遵朕前
旨辦理。並曉諭伊等。現在回疆諸務。俱係伊犁將軍
統轄。此處斷難接辦。將此傳諭柏琨及各回城駐紮
大臣。並伊犁將軍知之。○三十二年。奏准哈拉塔爾
庫庫烏蘇等處。有哈薩克前來游牧。派員查勘。

將願進貢馬匹之哈薩克令其照舊安插。不進
貢者即行逐回原駐游牧處所。○三十四年奏
准沙拉伯爾地方有哈薩克前來游牧。彼處與
哈拉塔爾離伊犁止一河之隔。冰堅之後。往來
行走同一近便。所有沙拉伯爾之哈薩克應與
哈拉塔爾一體收取貢馬。○三十九年奏准嗣
後每年伊犁塔爾巴哈台巡邊收貢。俱在勒普
西地方會齊分收。若哈薩克等規避不交馬匹。
即照內地徵收貢馬例。每應納馬一匹。罰馬一
匹。照數收馬二匹。○嘉慶元年

諭據伍彌烏遜奏塔爾巴哈台每年所進馬匹由內地行走關外沙漠遼遠天氣炎熱嗣後請照烏里雅蘇台科布多例由阿勒臺一路行走庶免煩擾內地等語所辦甚當著照所請行但伊犁喀什噶爾葉爾羌每年皆有應進馬匹喀什噶爾葉爾羌俱係南路回疆若亦由此路行走其間隔有博爾多山又繞路較遠如仍由內地行走徒擾驛站且回疆馬匹俱屬平常嗣後喀什噶爾葉爾羌等處回疆所進馬匹竟行停止其伊犁所進馬匹亦著由阿勒臺一路護送○

十六年奉

旨。烏里雅蘇台將軍等。進到貢馬十四匹。備用馬十四匹。塔爾巴哈台參贊大臣等。進到貢馬八匹。備用馬八匹。此次該二處。進到馬匹。著將烏里雅蘇台將軍等。正貢備用馬內。共挑取十四匹。塔爾巴哈台參贊等。正貢備用馬內。共挑取八匹。豫備呈覽。餘仍發還各該處。送馬章京。或在京變價。或帶回本處。聽其自便。不許餽送。在京大臣官員。如有私餽。查出定行懲處。向來伊犁所進馬匹。材具估開。多充御用之選。嗣後伊犁貢馬。著仍遵前旨。令其正貢五匹。備貢五匹。正貢者賞收。備貢者由上駟院奏明。候旨分賞。其烏

里雅蘇台塔爾巴哈台等處之馬。僅充下乘。本難供御用。除正貢仍令照數呈進外。其備用馬匹。如一概交上駟院充賞。實無如許應賞之人。且各處或更於備用之外。再行多備。徒滋繁費。嗣後該二處馬匹。正貢之外。其備用一項。著即停止。再該將軍等向於奏摺內。將馬匹毛色口齒開單呈覽。各該處道路遙遠。所進貢馬。途次恐有缺乏。是以向有備用一項。此時既經停止。其毛色口齒摺內。毋庸聲敘。如沿途或有疲乏。到京時不足正貢之數。即著送馬章京。將實在馬數及毛色口齒開單呈遞。○又

諭伊犁將軍呈進馬匹。以備天閑之選。自平定西域以來。歷年遵辦已久。昨據察哈爾都統興肇奏。此次伊犁進馬。共帶有一百八十五匹。沿途多索支應。當交軍機大臣會同行在刑部。將派來之總管佐領等提訊。據供將軍晉昌原交進貢馬五匹。備用馬四匹。此外多係該將軍及領隊大臣等帶來分送各大臣官員者。下及總管佐領。以至隨從兵丁。均各有私帶馬匹。或沿途售買。或分送親友。以致馬數增多。並將該將軍等分送王大臣等馬匹數目開單進呈。朕詳加披閱。單內御前大臣及御前侍衛華聘阿那保。均各

得有餽送馬匹。每年貢馬僅止五匹。備用之數亦略相同。而私帶分送者。竟加至數十倍。殊屬不成事體。且御前侍衛多人。何以獨華聘阿那保二人得有餽送。明係華聘阿那保為派出試馬之人。是以該將軍進馬。恐其挑剔。先行致送。以杜其口。此等風氣。亟應飭禁。嗣後伊犁將軍。每年進馬。除例貢五匹外。再備進五匹。派委妥員送到。一同交上駟院驗收。此外不許多帶一匹。至官兵等所供。附帶馬匹。售買添補盤費。亦係託詞支飾。如該官兵遠道隨行。盤費實有不敷。著該將軍給發充足。毋令藉口滋弊。○又奉

旨。嗣後伊犁每年進馬。除正貢五匹外。再備進五匹。將正貢馬交上駟院驗收。餘馬幾匹。一併交上駟院奏明。候朕降旨指賞。此外不得借貢馬之便。私帶一匹。致滋流弊。○二十二年

諭。每歲伊犁將軍於四五八十等月。應進四次馬匹。因思路途遙遠。送馬官兵。不無勞費。著寄知晉昌。嗣後惟計程於四八十等月到京。進馬三次。其五月一次。著即停止。○道光二年

諭。那彥成奏。玉舒番族。每歲馬貢折銀。請循舊例。交納一摺。青海大臣衙門所管玉舒番族。向有馬貢折銀。

由該番目自赴西甯交納。嗣於乾隆三十一年改派主事通丁前往催收。各番族供應較繁。殊滋擾累。著照所請。嗣後此項貢馬折銀。著仍循舊例。責令該總管千百戶等。照數湊齊。於每歲九月間。交該處貿易番目。自赴西甯交納。仍著青海大臣會同西甯鎮派員兌收貯庫。所有主事通丁催徵之例。永行停止。

又

諭松安奏沙雅爾阿奇木伯克伊薩克本年年班懇請朝覲。並進獻馬八匹。轉行請旨一摺。阿奇木伯克伊薩克輪應本年來京進獻土產馬匹。尚屬至誠。惟庫

車距京寫遠伊薩克帶馬若干未免糜費此次諭令伊薩克仍照嘉慶二十年之例進獻馬五匹其餘馬三匹毋庸進獻以示朕體恤回僕之意○五年

諭

科爾沁海流圖等處過冬居住之哈薩克等共應交貢馬四十六匹例應如數交納今瓦克鄂托克地方之哈薩克烏揚拜等於應交貢馬六匹並未及交納移於俄羅斯界內游牧甚屬卑鄙不堪著交巴琿阿留心訪察如烏揚拜等由俄羅斯界內潛移於海流圖地方居住務須拿獲從重辦理以示懲儆應交馬匹毋令侍衛圖薩拉克齊台吉等賠交即將正額裁

汰○九年

諭前歲回疆軍興口外轉運糧餉需用駝隻較多曾經烏里雅蘇台蒙古王公進駝三千二百隻科布多蒙古王公進駝八百三十二隻該蒙古等踴躍急公軍需益資迅速洵堪嘉獎現在大功告成糧運已停據英惠查奏各處按成賠交官駝共有五千九百一十五隻著加恩於此項駝隻內照該王公等前次所進之數分別賞還收回游牧俾資生計○又

諭前經降旨將烏魯木齊追繳駝五千九百餘隻內賞還烏里雅蘇台蒙古王公原進駝三千二百隻科布

多蒙古王公原進駝八百三十二隻。並撥還烏里雅蘇台官廠駝八百隻。其餘駝一千八十三隻。飭令變價。以省牧放。朕思阿拉善王瑪哈巴拉前因回疆用兵。首先進駝一千隻。甚屬急公。著英惠即於變價餘駝內。撥出一千隻賞還。如數領回。該都統行知。該王瑪哈巴拉派人前往烏魯木齊。自行收回。以示朕體恤外藩至意。○又

諭理藩院轉奏據六盟蒙古王公等請將所進馬匹。不必與官兵原領馬匹更換。情願備辦呈進等語。從前該蒙古王公等進馬時。朕以道路遙遠。官兵所乘之

馬沿途不無疲乏。是以諭令乘馬官兵。俟此項馬匹解到。准其更換。今哲哩木等六盟盟長土謝圖親王諾爾布林沁等。既請情願不換馬匹。竟行呈進。以備該官兵領騎。所有應換馬匹之官兵。即不必更換。著按名均各賞馬一匹。所餘馬匹。仍著該蒙古王公領回。惟念各蒙古王公等。情願進馬一萬匹。以備隨駕官兵乘騎。殊屬可嘉。該蒙古王公台吉等。俱著加恩交理藩院議敘。用示朕眷念蒙古臣僕至意。○又

諭。理藩院轉奏阿拉善親王瑪哈巴拉。聞逆回安集延布魯特等。在喀什噶爾一帶地方猖獗。呈請率子囊

都布蘇隴進駝一千隻。又所屬公台吉呼圖克圖等
一旗。共進駝一千隻。一摺軍營需用駝隻。業據楊遇
春等陸續辦妥。但運送糧石。需駝必多。茲據瑪哈巴
拉呈請。聞得逆回安集延等滋事。率子囊都布蘇隴
暨所屬一旗。共進駝二千隻。具見誠悃。甚屬可嘉。此
項駝隻。即著照瑪哈巴拉所請收留。分起解護肅州。

○又

諭前據車林多爾濟等奏。聞得逆回安集延布魯特等
滋事。即同札薩克圖汗三音諾顏二部落汗王呼圖
克圖等。恭進駝馬。具見誠悃。當經降旨諭令毋庸豫

備馬匹。惟將駝隻解往古城牧放。本日總督楊遇春奏。此項駝隻尚有用處。即照該汗王等所請。將所進駝隻全行賞收。○又

諭章嘉呼圖克圖。因朕本年前往盛京。呈請恭進馬一百匹。誠悃可嘉。若不賞收。轉不足示朕體恤。呼圖克圖之意。此項馬著收五十匹。俟護送來京時。著交兵部以備應用。○十年

諭玉麟等奏伊犁歲收哈薩克私馬。及各部呈遞伯勒克馬匹。向交察哈爾額魯特兩營。入於備差廠牧放。其倒斃分數。例與孳生備差之馬。按年一律以六釐

報銷。近年以來。各夷呈納之馬。多係殘廢。著照所請。嗣後此項馬匹。收交該兩營另廠牧放。續有倒斃。准其每年每百匹內。報銷三分。自道光九年為始。另冊造報。照新章覈銷。